

**Entrevue Comité permanent – Ministère de l'Education nationale, de l'Enfance et de la Jeunesse 08.07.2016
Coefficient 1**

Gudde Moien,

E Freideg, den 08.07.2016 hunn ech un enger Versammlung vum Comité permanent um MEN deel geholl. D'Vertreieder vun der Intersyndicale APESS, SEW a FEDUSE ware vertraueden.

Well ech mech am Numm vun der AMET mam President vun der FEDUSE, dem Här Camille WEYRICH a Verbindung gesat hunn, huet d'FEDUSE mech am Numm vun der AMET mat an déi wichteg Reunion geholl.

Soumat wëll ech dem President Camille WEYRICH an der Sekretärin/Tresorière Mona GUIRSCH vun der FEDUSE/Enseignement-CGFP villmools Merci soen, dat si mech am Numm vun der AMET mat un den Dësch geholl hunn a wäerten huelen.

De MEN war représentéiert vun der Mme.Sandra NILLES an der Mme.Marielle BRUCK souwéi vum M.Pierre REDING, M.Eric GOERENS, M.Gil BELLING, M.Alex Folscheid a M.Jean BILLA.

Zum éischte Punkt vun der Versammlung krut d'Intersyndicale matgedeelt, dat d'Sportsproffen eng Eenegung mam MEN fonnt hunn wéinst hirem Koeffizient 1. Fir normal ACTPA-Aktivitéite kréien awer och si 0,5.

Du goug et zum nächste Punkt an de M.Eric GOERENS liest vir, datt op Ufro an der Reunion vum leschte Comité permanent vum 22.02.2016, wou d'AMET och schonn vun der FEDUSE matageluede gouf an um MEN vertrauede war vum deemolege President R. Debras d'M.E.T. de Koeffizient 1 kréien.

Net méi an net manner gouf dozou gesot.

Well mir dat awer bësse séier goug a mir och direkt weider Froen dozou agefall sinn, hunn ech mir d'Wuert nach eng Kéier gefrot an hunn déi zwee Tableauen ugeschwat, wéini datt et a Kraaft trëtt, wéini e Communiqué kënnt an ob et ee Recalcul gëtt.

De M. Gil BELLING, neien Direkter vun der Formatioun professionnelle, erkläert, datt di zwee Tableaue vun de M.E.T., wou d'Schülerzuelen an d'Koeffizienter dra stinn, geännert ginn. Fir d'Optionne souwéi fir Atelierscours kënnt 1 stoen, alles ënner 1 kennt ewech, souguer den 1,08 bleift stoen !

Wéini trëtt et a Kraaft? - NET ewéi bei de Chargéee fir d'Rentrée 2018/2019 eréischt, mee schonn direkt fir d'Rentrée 2016/2017.

Direktiounen sinn e Freideg respektiv e Méindeg driwwer informéiert ginn.

Ee Recalcul gëtt et net, dat war bei de Chargéeeën eng aner Saach.

En Donneschdeg ass di nächst Versammlung um MEN, déi gëtt geleet vum M. Jean BILLA an et geet ëm d'FP. D'AMET ass do am Numm vum President vertraueden.

mbG

BETHKE Gerry
President vun der AMET